

ԽՄԵԼՈՒ ԶՐԻ ՄԱՏԱԿԱՐԱՐՄԱՆ ԵՎ ԶՐԱՎԷՌԱՑՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ

Ք.Երևան

01 Մարտ 2016թ.

«Հայջրմուղկոյուղի» փակ բաժնետիրական ընկերությունը (այսուհետ՝ Զրամատակարար), ի դեմս Գլխավոր տնօրեն Պ.Լորենի, որը գործում է ընկերության կանոնադրության հիման վրա և ՀՀ աշխատանքի և սոցիալական հարցերի նախարարության սոցիալական ապահովության պետական ծառայությունը (այսուհետ՝ Բաժանորդ), ի դեմս աշխատակազմի ղեկավար Մինաս Մինասյանի, որը գործում է Ծառայության կանոնադրության հիման վրա, մյուս կողմից, ղեկավարվելով Հայաստանի Հանրապետության օրենսդրությամբ ու խմելու ջրի մատակարարման և ջրահեռացման կանոններով (այսուհետ՝ կանոններ), կնքեցին սույն պայմանագիրը (այսուհետ՝ պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Զրամատակարարն իր ջրամատակարարման համակարգին միացված ցանցի (կամ ընդհանուր օգտագործման ծորակի) միջոցով, սույն պայմանագրի անբաժանելի մաս հանդիսացող Հավելված 1 – ով սահմանված վայրերում, բաժանորդին մատակարարում է պետական ստանդարտների պահանջներին համապատասխանող խմելու ջուր (այսուհետ՝ ջուր) և իր ջրահեռացման համակարգով հեռացնում է կենցաղային կեղտաջրերը, իսկ բաժանորդն օգտագործում է մատակարարված ջուրը, կենցաղային և արտադրական կեղտաջրերը լցնում ջրահեռացման համակարգ ու հաշվարկված ջրի և հեռացված կեղտաջրերի դիմաց վճարները պայմանագրով սահմանված կարգով վճարում է ջրամատակարարին:

1.2. Բաժանորդն ընդունում է պայմանագիրն ստորագրելու օրվա դրությամբ ջրամատակարարի կողմից մատակարարված ջրի դիմաց իր պարտքը՝ 142178 /հարյուր քառասուններկու հազար հարյուր յոթանասուն ութ / դրամ, որը պարտավորվում է վճարել:

2. ԿՈՂՄԵՐԻ ՊԱՐՏԱԿՈՐՈՒԹՅՈՒՆՆԵՐԸ

2.1. Կողմերը պարտավորվում են ղեկավարվել Հայաստանի Հանրապետության օրենսդրությամբ, կանոններով և պայմանագրով:

2.2. Զրամատակարարը պարտավորվում է՝

2.2.1. ոչ շուրջօրյա ջրամատակարարման դեպքում (հաստատված ջրամատակարարման ժամանակացույցով) ապահովել բաժանորդի ամենօրյա ժամային ջրամատակարարումը (եթե պայմանագրով սահմանված չէ ջրամատակարարման այլ ժամանակացույց):

2.2.2. բաժանորդից իր տնօրինության ջրահեռացման համակարգ ընդունել կենցաղային և արտադրական կեղտաջրերը:

2.2.3. պահպանել կողմերի տնօրինության ջրամատակարարման համակարգերի սահմանագատման կետում մատակարարվող ջրի որակը՝ ըստ գործող պետական ստանդարտների պահանջների, և ապահովել կեղտաջրերի հեռացումը:

2.2.4. բաժանորդին անհապաղ տեղեկացնել իր համակարգում տեղի ունեցած վթարների ու խցանումների մասին և դրանք վերացնել հնարավորինս սեղմ ժամկետում, եթե ջրամատակարարման դադարեցումը պայմանավորված չէ կանոնների 36-րդ կետով, 45-րդ կետի «դ» և «զ» ենթակետերով նախատեսված դեպքերով:

2.2.5. ջրամատակարարման, կեղտաջրերի հեռացման սակագների փոփոխման դեպքում դրա մասին առնվազն մեկ ամիս առաջ տեղեկացնել բաժանորդին:

2.2.6. բաժանորդի պահանջի դեպքում 5-օրյա ժամկետում ներկայացնել ջրի որակը հավաստող փաստաթուղթ (երաշխիք):

2.2.7. բաժանորդի մոտ ջրաչափի ճիշտ աշխատանքի նկատմամբ կասկած առաջանալու և համապատասխան դիմում ներկայացվելու դեպքում 10-օրյա ժամկետում կատարել ջրաչափի ստուգում:

2.2.8. ՀՀ օրենսդրությամբ սահմանված չափաքանակներին համապատասխան, իսկ ջրաչափի առկայության դեպքում ջրաչափի ցուցմունքին համապատասխան հաշվարկել և բաժանորդին ներկայացնել նրա կողմից օգտագործված ջրի ու հեռացված կեղտաջրերի դիմաց վճարման ենթակա գումարի չափը հաստատող հաշիվ-ապրանքագիրը, հանձնման-ընդունման արձանագրությունը, փոխադարձ հաշվարկների ամփոփ ակտը թղթային տարբերակով մինչև յուրաքանչյուր ամսվան հաջորդող ամսվա 10-ը:

2.3. Բաժանորդը պարտավորվում է՝

2.3.1. մատակարարված ջրի և հեռացված կեղտաջրերի դիմաց վճարման ենթակա գումարը ջրամատակարարին փոխանցել վճարման փաստաթղթերն ստանալուց հետո 7 օրվա ընթացքում:

2.3.2. չխոչընդոտել ջրամատակարարի ներկայացուցչի մուտքն իր տարածք՝ ծառայողական վկայականը ներկայացնելու դեպքում՝ տեղադրված ջրաչափի ցուցմունքները գրառելու, կանոնների համաձայն շահագործման վիճակը համատեղ ուսումնասիրելու, իսկ ջրամատակարարի մոտ բաժանորդի օգտագործած խմելու ջրի ծավալների նկատմամբ կասկածներ առաջանալու դեպքում՝ ստուգումներ կատարելու համար:

2.3.3. ջրի չմատակարարման, կենցաղային կեղտաջրերի չհեռացման կամ դրանց ոչ պատշաճ կատարման, ջրաչափի անսարքության, կապարակնիքի խախտման նկատմամբ կասկածներ առաջանալու դեպքում դրանց մասին անհապաղ տեղեկացնել ջրամատակարարին:

2.3.4. ապահովել իր տնօրինության ջրամատակարարման և ջրահեռացման ներքին ցանցերի, սարքերի ու սարքավորումների պահպանությունը և դրանց շահագործումը:

2.3.5. ջրամատակարարման և կեղտաջրերի հեռացման ծառայություններից հրաժարվելու դեպքում դրա մասին առնվազն մեկ ամիս առաջ գրավոր տեղեկացնել ջրամատակարարին:

2.3.6. չգերազանցել պայմանագրով սահմանված ջրաքանակը և ջրահեռացման համակարգ լցվող կեղտաջրերի քանակն ու թույլատրելի սահմանային կոնցենտրացիան:

### 3. ՄԱՏԱԿԱՐԱՐՎԱԾ ՋՐԻ ԵՎ ՀԵՌԱՑՎԱԾ ԿԵՂՏԱՋՐԵՐԻ ԾԱՎԱԼՆԵՐԻ ՀԱՇՎԱՐԿՄԱՆ ԿԱՐԳԸ

3.1. Բաժանորդին մատակարարված ջրի ծավալը հաշվարկվում է ջրամատակարարի և բաժանորդի ջրամատակարարման համակարգերի սահմանագատման կետում տեղադրված ընդհանուր ջրաչափի և (կամ) բաժանորդի ներքին ցանցում տեղադրված ջրաչափի ցուցմունքների հիման վրա:

3.2. Ջրաչափի բացակայության կամ դրա անսարքության, կապարակնիքների խախտման (պոկման) դեպքում մատակարարված ջրի ծավալը հաշվարկվում է կանոնների 24-րդ և 25-րդ կետերով սահմանված կարգով:

3.3. Օգտագործված ջրի և ջրահեռացման համակարգ բաց թողնված կենցաղային ու արտադրական կեղտաջրերի ծավալների հաշվարկման ժամանակահատված է համարվում հաշվարկային ամիսը:

3.4. Բաժանորդի կողմից ջրահեռացման համակարգ լցվող կենցաղային կեղտաջրերի ծավալը հաշվարկվում է կանոնների 26-րդ կետի համաձայն:

### 4. ԶՐԱՄԱՏԱԿԱՐԱՐՄԱՆ ԵՎ ԶՐԱՀԵՌԱՑՄԱՆ ԾԱՌԱՅՈՒԹՅՈՒՆՆԵՐԻ ԴԻՄԱՑ ԿՃԱՐԻ ՀԱՇՎԱՐԿՄԱՆ ՈՒ ԿՃԱՐՄԱՆ ԿԱՐԳԸ

4.1. Բաժանորդին մատակարարված ջրի և ջրահեռացման ծառայությունների դիմաց վճարը հաշվարկվում է բաժանորդի ջրաչափի ցուցմունքների և պայմանագրում նշված սակագների հիման վրա, իսկ վճարումը կատարվում է բանկային համակարգով կամ փոստային բաժանմունքում՝ ջրամատակարարի բանկային հաշվին:

4.2. Պայմանագրի կնքման պահից գործում են հետևյալ սակագները՝

ա) մատակարարվող մեկ խոր. մետր ջրի համար՝ 154.47 դրամ (ներառյալ ավելացված արժեքի հարկը):

բ) հեռացվող մեկ խոր. մետր կեղտաջրերի համար՝ 25.31 դրամ (ներառյալ ավելացված արժեքի հարկը):

4.3. Պայմանագրի 4.2-րդ կետով նախատեսված սակագները Հայաստանի Հանրապետության օրենսդրությամբ սահմանված կարգով փոփոխվելու դեպքում գործում են փոփոխված սակագները:

### 5. ԼՐԱՑՈՒՑԻՉ ՊԱՅՄԱՆՆԵՐ

5.1. Եթե արտադրության կամ աշխատանքային առանձնահատուկ պայմանները պահանջում են անընդմեջ ջրամատակարարում, ապա բաժանորդը պարտավոր է ունենալ պաշարապահ ռեզերվուար:

5.2. Ջրամատակարարման և ջրահեռացման ծառայությունների դիմաց վճարի հաշվարկների համար հիմք են ընդունվում ջրամատակարարի և բաժանորդի՝ պայմանագրի Հավելված 1 – ում նշված ստորաբաժանումների կողմից հաստատված փոխադարձ հաշվարկների ակտերը և դրանց հիման վրա կազմված իր կողմից միակողմանի հաստատված ամփոփ ակտը, ինչպես նաև հարկային հաշիվը (ամփոփ հաշիվ-ապրանքագիր) և Հավելված 2-ում ներկայացված հանձնման-ընդունման արձանագրությունը երկու օրինակից, որոնք ջրամատակարարը բաժանորդին է ներկայացնում սույն պայմանագրի 2.2.8 ենթակետում նշված ժամկետներում:

5.3 Բաժանորդի ստորաբաժանումների (մասնաճյուղերի) անվանումը և նրանց համապատասխան սպասարկող ջրամատակարարի ստորաբաժանումների (մասնաճյուղերի) ցանկը նշված է պայմանագրի Հավելված 1-ում:

5.4 Բաժանորդը, առարկությունների բացակայության դեպքում, ստորագրում է ամփոփ ակտը այն ստանալու պահից երեք օրվա ընթացքում, մեկ օրինակ վերադարձնում է ջրամատակարարին և կենտրոնացված կարգով կատարում վճարումը մատակարարված ջրի և կեղտաջրերի հեռացման համար պայմանագրի 2.3.1 ենթակետում նշված ժամկետում:

Բաժանորդը, առարկության դեպքում, այն երեք օրվա ընթացքում գրավոր հայտնում է ջրամատակարարին, վճարումը կատարելով ամփոփ ակտի չվիճարկվող մասով մինչև տվյալ ամսվան հաջորդող ամսվա 30-ը ընկած ժամանակահատվածում:

Կողմերը ձեռնարկում են բոլոր միջոցները սույն կետում նշված հիմքով առաջացած վեճը ողջամիտ ժամկետում լուծելու համար:

5.5 Պայմանագրի ուժի մեջ մտնելու պահից ուժը կորցրած է ճանաչվում բաժանորդի սույն պայմանագրի Հավելված 1-ում նշված ստորաբաժանումների (մասնաճյուղերի) և ջրամատակարարի ստորաբաժանումների (մասնաճյուղերի) միջև կնքված Խմելու ջրի մատակարարման և ջրահեռացման ծառայությունների մատուցման պայմանագրերը:

5.6 Ղեկավարվելով ՀՀ քաղաքացիական օրենսգրքի 441-րդ հոդվածի 2-րդ կետով կողմերը սահմանում են, որ սույն պայմանագրի պայմանները կիրառվում են նաև 01.01.2016թ.-ից մինչև պայմանագրի ուժի մեջ մտնելը իրենց միջև ծագած հարաբերությունների նկատմամբ:

## 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Պայմանագրային պարտավորությունները չկատարելու, ոչ պատշաճ կատարելու կամ վնաս հասցնելու դեպքերում, ինչպես նաև բաժանորդի կողմից օգտագործված ջրի ծավալի նվազեցման նպատակով ջրաչափի բնականոն աշխատանքի խախտման, ջրաչափի կողանցմամբ ջրընդունման, ջրաչափի կապարակնիքների վնասման (պոկման, կեղծման) և այլ միտումնավոր խախտումների հայտնաբերման դեպքերում կողմերը պատասխանատվություն են կրում և փոխհատուցում են պատճառված վնասները՝ Հայաստանի Հանրապետության օրենսդրությամբ ու կանոններով սահմանված կարգով՝ բացառությամբ պայմանագրի 6.2-րդ կետում նշված դեպքերի:

6.2. Օրենքով սահմանված կարգով ֆորս-մաժորային դեպքերում ջրամատակարարման դադարեցման, ինչպես նաև բաժանորդի մեղքով իր կրած վնասի համար ջրամատակարարը պատասխանատվություն չի կրում:

6.3. Բաժանորդի կողմից ջրամատակարարի ջրահեռացման համակարգով հեռացվող կեղտաջրերի սահմանային թույլատրելի կոնցենտրացիայի՝ ջրային ռեսուրսների կառավարման և պահպանման լիազորված մարմնի կողմից սահմանված նորմերը գերազանցելու դեպքում բաժանորդը պատասխանատվություն է կրում Հայաստանի Հանրապետության օրենսդրությամբ սահմանված կարգով:

6.4. Բաժանորդը ջրամատակարարման և ջրահեռացման ու կեղտաջրերի մաքրման համար պայմանագրի 2.3.1-ին ենթակետում նշված ժամանակահատվածում գումարը չվճարելու դեպքում կետանցի յուրաքանչյուր օրվա համար ջրամատակարարին վճարում է տուժանք՝ չվճարված գումարի 0,1 տոկոսի չափով:

6.5. Ջրի չմատակարարման, կենցաղային կեղտաջրերի չհեռացման կամ ջրամատակարարման (ջրահեռացման) պարտավորությունների ոչ պատշաճ կատարման դեպքում կազմվում է խմելու ջրի թերմատակարարման մասին ակտ, բայց ոչ ավելի, քան մեկ ամիս ժամկետով, եթե բաժանորդը պայմանագրի 2.3.3-րդ ենթակետի համաձայն հաշվետու ամսվա ընթացքում առնվազն 2 անգամ դրա մասին գրավոր տեղեկացրել է ջրամատակարարին, ինչի հիման վրա ջրամատակարարը բաժանորդին վճարում է տուժանք՝ թերմատակարարված յուրաքանչյուր մեկ խոր. մետր ջրի համար՝ սակագնի քառապատիկի չափով:

## 7. ՎԵՃԵՐԻ ԼՈՒԾՄԱՆ ԿԱՐԳԸ

7.1. Պայմանագրի կապակցությամբ ծագած վեճերը լուծվում են բանակցությունների միջոցով:

7.2. Բանակցությունների արդյունքում փոխհամաձայնության չգալու դեպքում վեճերը լուծվում են դատական կարգով:

## 8. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

8.1. Պայմանագիրն ուժի մեջ է մտնում ու կողմերի համար պարտադիր է դառնում դրա կնքման պահից և գործում է անժամկետ:

8.2. Պայմանագրի գործողության ժամկետում մատակարարվող ջրի և ջրահեռացման համակարգով հեռացվող կեղտաջրի ծավալների ու բաղադրության փոփոխման դեպքում պայմանագիրը ենթակա է փոփոխման:

### 9. ՊԱՅՄԱՆԱԳՐԻ ՎԱՂԱԺԱՄԿԵՏ ԼՈՒԾՈՒՄԸ

9.1. Պայմանագիրը կարող է վաղաժամկետ լուծվել առնվազն մեկ ամիս առաջ՝ դրա մասին տեղեկացնելով մյուս կողմին, եթե՝

9.1.1. բազմիցս խախտվել են ծառայությունների մատուցման ժամկետները (2 և ավելի անգամ):

9.1.2. բազմիցս խախտվել են ծառայությունների դիմաց վճարման ժամկետները (2 և ավելի անգամ):

9.1.3. արտակարգ իրավիճակի դեպքում (ֆորս-մաժոր), եթե այն տևում է 2 ամիս և ավելի:

9.2. Պայմանագրի միակողմանի լուծման մասին զգուշացում ստանալիս մյուս կողմն իրավունք ունի այն դիտարկելու որպես վեճ, որը լուծվում է Հայաստանի Հանրապետության օրենսդրությամբ և կանոններով սահմանված կարգով:

9.3. Պայմանագիրն առանց պատճառաբանության միակողմանի լուծելու ցանկություն հայտնած կողմը պարտավոր է փոխհատուցել դրա հետևանքով մյուս կողմին պատճառած վնասները:

9.4. Պայմանագրի փոփոխումը կամ վաղաժամկետ դադարումը կողմերին չի ազատում մինչ այդ պայմանագրով ստանձնած և չկատարված պարտավորությունների կատարումից:

### 10. ԱՆՀԱՂԹԱՀԱՐԵԼԻ ՈՒԺԸ (ՖՈՐՍ-ՄԱԺՈՐ)

Պայմանագրով ստանձնած պարտավորություններն անբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա կապված է ֆորս-մաժորային դեպքերի հետ, որոնք ծագել են պայմանագիրը կնքելուց հետո, և որոնք կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով ստանձնած պարտավորությունների կատարումը:

### 11. ԱՅԼ ՊԱՅՄԱՆՆԵՐ

11.1. Պայմանագրով չկարգավորված և չնախատեսված հարցերը լուծվում են Հայաստանի Հանրապետության օրենսդրությամբ սահմանված կարգով:

11.2. Պայմանագիրը կնքված է 2 օրինակից, որոնք ունեն հավասարազոր իրավաբանական ուժ, և դրանք պահպանվում են կողմերից յուրաքանչյուրի մոտ:

### 12. ԿՈՂՄԵՐԻ ԳՏՆՎԵԼՈՒ ՎԱՅՐԸ ԵՎ ԲԱՆԿԱՅԻՆ ՎԱԿԵՐԱՊԱՅՄԱՆՆԵՐԸ

Ջրամատակարար

Բաժանորդ

«Հայջրնուղկոյուղի» ՓԲԸ

«Հայաստանի և սոցիալական հարցերի

նախարարության սոցիալական ապահովության պետական ծառայություն

Հասցե: ք.Երևան, Վարդանանց փակ.8ա,  
Բանկային հաշիվ: «ԿՏԲ-Հայաստան բանկ» ՓԲԸ  
ՀՀ 160485054425  
ՀՎՀՀ 02509667

Հասցե: ք.Երևան, Նալբանդյան 13  
Բանկային հաշիվ: ՀՀ ՖՆԱ գործառնական վարչություն  
ՀՀ 900011556355  
ՀՎՀՀ 02505511

Գլխավոր տնօրեն

Պ.Լորեն

Աշխատակազմի ղեկավար

Մ.Սինալյան



2016 թ.



2016 թ.

ՑԱՆԿ

"Հայջրմուղկուղորդի" ՓԲԸ մասնաճյուղերի և ՀՀ աշխատանքի և սոցիալական հարցերի նախարարության սոցիալական ապահովության պետական ծառայության ստորաբաժանումների

hh	ID	Հայջրմուղկուղորդի ՓԲԸ տեղամասերի անվանումը	ՀՀ աշխատանքի և սոցիալական հարցերի նախարարության սոցիալական ապահովության պետական ծառայության ստորաբաժանումների անվանումը
1	67138722	ԱՐՏԱՇԱՏ	«ՀՀ Աշխատանքի և սոցիալական հարցերի նախարարության աշխատակազմ»
2	83894920	ՄԱՍԻՍ	«ՀՀ աշխատանքի և սոցիալական հարցերի նախարարության աշխատակազմ» պետական կառավարչական հիմնարկ
3	117454429	ՎԵԴԻ	«ՀՀ աշխատանքի և սոցիալական հարցերի նախարարության աշխատակազմ» պետական կառավարչական հիմնարկ
4	419443188	ԱՐԹԻԿ	Սոցիալական Ապահովության Պետական Ծառայության Աշխատակազմ Արթիկի սոցիալական ապահովության տարածքային բաժին
5	704645285	ԱՇՈՑՔ	«ՀՀ Աշխատանքի և սոցիալական հարցերի նախարարության աշխատակազմ»
6	335557320	ԶԱՐԵՆՑԱՎԱՆ	«ՀՀ Աշխատանքի և սոցիալական հարցերի նախարարության աշխատակազմ»
7	251663997	ՄՊԻՏԱԿ	Սոցիալական Ապահովության տարածքային բաժին
8	5033316511	ՍԻՍԻԱՆ	Սիսիանի սոցիալական ապահովագրական Սիսիանի տարածքային բաժին
9	436209891	ՋԵՐՄՈՒԿ	Ջերմուկի ՍԱՏՔ
10	452997044	ԿՊՊԱՆ	Սոցիալական ապահովության պետական ծառայության Կապանի տարածքային բաժին
11	603980924	ՃԱՄԲԱՐԱԿ	«ՀՀ Աշխատանքի և սոցիալական հարցերի նախարարության աշխատակազմ»
12	201330746	ՎԱՐԴԵՆԻՍ	«ՀՀ Աշխատանքի և սոցիալական հարցերի նախարարության աշխատակազմ»
13	301993857	ՆՈՅՆԱԲԵՐՅԱՆ	«ՀՀ Աշխատանքի և սոցիալական հարցերի նախարարության աշխատակազմ»

**ՋՐԱՄԱՏԱԿԱՐԱՐ**

<Հայջրմուղկուղորդի ՓԲԸ>  
Հասցե: ք.Երևան, Վարդանանց փակ. 8ա  
Բանկային հաշիվ: <ՎՏԲ-Հայաստան բանկ>  
ՓԲԸ  
Հ/Հ 160485054425  
ՀՎՀՀ 02509667



Գլխավոր տնօրեն

< > ԿՏ

**ԲԱԺԱՆՈՂ**

ՀՀ աշխատանքի և սոցիալական հարցերի նախարարության սոցիալական ապահովության պետական ծառայություն  
Հասցե: ք. Երևան, Նալբանդյան 13  
Բանկային հաշիվ: ՀՀ Ֆինանսների նախարարության  
աշխատակազմի գործառնական վարչություն  
Հ/Հ 900011556355  
ՀՎՀՀ 02505511

Աշխատակազմի ղեկավար

2016

ԿՏ

